



Ketouvim (hagiographies) - Chroniques I

Chapter 25

- 25,1 יבדל דויד ושׂרי הצבא לעבדה, לבני אסף והימן וידותון, הנביאים (הנבאים) בכנרות ובנבלים, ובמצלתיים; ויהי, מספכם, אגשי מלאכה, לעבדתם.
- 25,2 לבני אסף, זכור ויוסף ונתניה ואשראֵלה--בני אסף: על־יד־אסף, הנבא, על־ידי המלך.
- 25,3 לידותון--בני ידותון גדליהו וצרי וישעיהו ושביהו ומתתיהו וששה, על־ידי אביהם וידותון בכנור, הנבא, על־הדות והלל ליהוה. {ס}
- 25,4 להימן--בני הימן בקיהו מתניהו עזיאל שבואל וירימות חנניה חבני, אליאמה גדלתי ורממתי עזר, וישבקשה מלותי, הותיר מקזיאת.
- 25,5 כל־אלה בנים להימן, חזה המלך בדברי האלהים--להרים קרן; ויתן האלהים להימן, בנים ארבעה עשר--ובנות שלוש.
- 25,6 כל־אלה על־ידי אביהם בשיר בית־יהוה, במצלתיים ובנבלים וכנרות, לעבדת, בית האלהים--על־ידי המלך, אסף וידותון והימן.
- 25,7 ויהי מספכם עם־אחיהם, מלמדי־שיר ליהוה: כל־המבין--מאתים, שמונים ושמונה.
- 25,8 ויפילו גורלות משמרת, לעמת כקטן בגדול--מבין, עם־תלמיד. {פ}
- 25,9 ויצא הגורל הראשון, לאסף--ליוסף; {ס} גדליהו, השני--הוא־ואחיו {ר} ובניו, שנים עשר. {ס}
- 25,10 השלשי זכור, בניו ואחיו שנים {ר} עשר. {ס}
- 25,11 הרביעי, ליצרי--בניו ואחיו, שנים עשר. {ס}
- 25,12 החמישי {ר} ונתניהו, בניו ואחיו שנים עשר. {ס}
- 25,13 הששי בקיהו, בניו ואחיו שנים {ר} עשר. {ס}
- 25,14 השבעי ישראלה, בניו ואחיו שנים עשר. {ס}
- 25,15 השמיני {ר} וישעיהו, בניו ואחיו שנים עשר. {ס}
- 25,16 התשיעי מתניהו, בניו ואחיו {ר} שנים עשר. {ס}
- 25,17 העשירי שמעי, בניו ואחיו שנים עשר. {ס}
- 25,18 עשתי {ר} עשר עזראל, בניו ואחיו שנים עשר. {ס}
- 25,19 השנים עשר לחשביה, {ר} בניו ואחיו שנים עשר. {ס}
- 25,20 לשלשה עשר שבואל, בניו ואחיו שנים {ר} עשר. {ס}
- 25,21 לארבעה עשר מתתיהו, בניו ואחיו שנים עשר. {ס}
- 25,22 לחמשה {ר} עשר לירמות, בניו ואחיו שנים עשר. {ס}
- 25,23 לששה עשר לחנניהו, בניו {ר} ואחיו שנים עשר. {ס}
- 25,24 לשבעה עשר לישבקשה, בניו ואחיו שנים {ר} עשר. {ס}
- 25,25 לשמונה עשר לחבני, בניו ואחיו שנים עשר. {ס}
- 25,26 לתשעה {ר} עשר למלותי, בניו ואחיו שנים עשר. {ס}
- 25,27 לעשרים, לאליטה--בניו {ר} ואחיו, שנים עשר. {ס}
- 25,28 לאחד ועשרים להותיר, בניו ואחיו שנים {ר} עשר. {ס}
- 25,29 לשנים ועשרים לגדלתי, בניו ואחיו שנים עשר. {ס}
- 25,30 לשלשה {ר} ועשרים למקזיאות, בניו ואחיו שנים עשר. {ס}

